

If undelivered, please return to
The Editor, Gospel Tangkou
MELC Office, Hqtr. Zomi Colony
Post Box - 10, Churachandpur - 795 128
Manipur, India,
e-mail: melchqtrs@gmail.com

Gospel Tangkou (Gospel Herald)
RNI Regd. No : 62170/95 MNP 76
(Hachin a kisuo, hattuom khanletna ding)

Printed at

Convention Book House
Dorcas Road, New Lamka

(RNI Regd. No:62170/95 MNP 76)

BOOK POST

To

.....
.....
.....

Edited & Published by the Editor for and on behalf of the Manipur Evangelical Lutheran Church

GOSPEL TANGKOU

Issue No. 4

Volumn: XXXI

August - September 2017



2017 KUM THUPI:

“...PASIAN Gam leh adihtatna sui masa un...”

(Mathiu 6:33)

Editor:

Rt. Rev. Dr. HANGMINTHANG

EDITORIAL BOARD

Founder Editor:

Rev. M. Hauzalian
Mobile No. +919275259138
E-mail: lianmanlund@yahoo.com

Editor:

Rt.Rev. Hangminthang
Mobile No. +919612997858
E-mail: melchqtrs@gmail.com

Joint Editor:

Rev. Thangliankham
Mobile No. +919862830905

Asst. Editors:

Rev. Retd. S. Nengkanhang
Mobile No. +918974139641

Producing Manager:

Mr. Khamkhanhau
Mobile No. +918974955366
E-mail: munluohaupu@gmail.com

Contributors :

1. Upa V. Lawmsang, Moderator
Mobile No. +918729957903
2. Rev. Thangchinkhup, D/S Lamka
Mobile No. +917085151022
3. Rev. Ngilzakhup, D/S Singngat
Mobile No. +919402003133
4. Rev. Ph. Nangkhanlal, D/S Gundung
Mobile No. +919856905568
5. Rev. Kamminthang Taitom
D/S Kailamnuai,
Mobile No. +918575594166
6. Rev. Kamminthang Tungnung
D/S Behiang
Mobile No. +918730966619
7. Philip Thanglianhang
Mobile No. +919560457775

Circulation Manager:

H. Khaikhogin
Mobile No - +919862133422

A SUNG A THU UMTE

1. Editor Dawkan apat1
2. Gawtna Chi 10 te2
3. Amanpha pen "Mou Vanken"4
4. Mangpa Thumna5
5. Jesu Khrist Adia Kithalawpna8
6. Tembaw Thumte9
7. Pasian Thu Na Awi Leh11
8. Hattuum Kichi Bang E?12
9. Mangpa Jesu Ah Kilam Dih In14
10. Intl. Camp Counsellor Program15
11. LYF Column16
12. ELWA Column19
13. Vondei Sauliim Report20
14. Sepguol Vaiguon22

Kumkhat lahaman:
Khut ah - ₹ 100.00
Dah ah - ₹ 120.00

Patron Memberte

1. (L) Upa T. Chinzakhai
2. Pi Warlita Manlun
3. Pu M. Khamzamang
4. (L) Upa T. Gougim
5. Upa M. Kaichinkham
6. Pastor P. Vungzathang
7. Pu P. Chinzakhup
8. Pi Chinnu (Mrs. Gouzadou)
9. Upa D. Khupsuanpau
10. (L) Pu Thangkhanlal
11. Upa M. Jangkhoahau
12. Pu T. Gouzalal
13. Upa Jangkhogin
14. Upa M. Khamzathong
15. Pu H. Thangmang
16. Pu M. Ginzasuan
17. Pu M. Kailam
18. (L) Pu T. Soiminthang
19. Pu S. Suankhothong
20. Pu S. Tunsuanhang
21. Pu Hauchinhang
22. (L) Dr. Upa Tongkhokai
23. Pu T. Ginzamang
24. Pu T. Goupau
25. (L) Dr. Lampu
26. Pu P. Sanjeev
27. Upa P. Kamzadou
28. Dr. Ginniang
29. Upa Lt. Col. Thongzadou
30. Pu John Zamkhomang
31. Pu M. Lunkehong
32. Pu Kapzhang
33. (L) Pu Hauchinhang
34. (L) Upa S. Khamzalam
35. Upa Sub. Lianchinhang
36. Upa S. Zamzalam
37. Pu Khamzatun
38. Pi Nemhang
39. Upa Tuahchinhou
40. (L) Upa Kaikhohau
41. Dr. Jainson Haokip
42. (L) Pu Kapkhanhang
43. Pi Manpi
44. Pu Philip Thanglianhang
45. Upa Haukholam
46. Upa Kaikhonlun
47. Pi Lhingneiting (Helhing)
48. Pu Thangchinsuan
49. Pi Goukhoniang
50. (L) Pu T. Gouchinhang
51. Pu M.L. Thanghau Zou
52. Rev. Dr. V. Hangminthang
53. Rev. Dr. Ginkhanmung Zou
54. (L) Ex.Nk. T.Dongminthang
55. Pi Neingaihmani
56. (L) Upa Pumzagin
57. (L) Rev. Khaamthang
58. Pu T. Lamzagin ASC (Retd)
59. Upa S. Kammang
60. Pu L/Nk Mangchinhang
61. Pu Pumkhanhang
62. Upa Tunzagin
63. Pi Zengaihniang
64. Pu Chinsuanlam
65. Nu Kangnu
66. Pu Genkaphang
67. Pu Paul Henkholal
68. Upa Nengkhenhang
69. (L) Rev. PK. Khama
70. (L) Pi Nuamneikim
71. Pu Dr. David Vumlallian
72. Upa Ginzalam
73. Rev. Kamminthang Tungnung
74. Rev. Thangliankham
75. Rev. Nangkhanlal
76. Sya Dongzapum
77. Dr. N.D. Samte
78. Pu Sienzathang
79. Pu Sheshei
80. Rev. Dr. S.K. Manlun
81. Pu Hauliankap
82. Pastornu Niangzadim
83. Rev. Ngilzakhup
84. Pu Hausuanhang
85. Upa Khamchinlam
86. (L) Khaiminlian (13 yrs)
87. Upa H. Khamzamang
88. Pu P. Sienzadong
89. Pi Neikhokim
90. Pu Hausuanlam
91. Pu Ginminthang (Gigin)
92. Pu Khupminthang
93. Nu Lhainei
94. Rev. Kamminthang
95. Pi Ngailianmoi (Momoi)
96. Pu Aron T. Muanthang
97. Pu Thongneipau
98. Pu Dalkhanhang
99. Upapu Soikhohau Samte
100. Rev. Thangkhanhang
101. Rev. Nangkhanlal
102. Pastor Lamgen
103. Pi Cecilia Maman
104. (L) Pastor Kamzathang
105. Upa T. Nungkhochinpa
106. Rev. Dousuanhang
107. Rev. Hangpi Manlun
108. Tv. Hauthang
109. Rev. Thangchinkhup
110. Pastor Kapsuanhang
111. Pu T. Samuel Tualminthang
112. Sya. T. Dongzalam
113. Upa Paukhsuan
114. Rev. Ginzuanhang
115. Upa M. Khupkhanhau (Retd)
116. Pu M. Haukholian
117. Rev. Chinlunhang
118. Pu H. Khaikhogin
119. Pu T. Chinkhoahau
120. Pastor Khupdokhen
121. Pu Khamkhanhau
122. Pi Lunsuanchiin
123. Pu Tutzamung
124. Pu Dongzakam
125. Upa Thangchinhang
126. Sya Thangkhanpiang
127. Pi Goikhanman
128. Upa Zamkhsuan
129. Pu Jamchinpa Samte
130. Sya Tunzalam
131. Evan. D. Ginpu
132. Pastor Khamkhenhang
133. Upa Chinsuanpau
134. Pu P. Tunzhang
135. Pro Pastor Kamneithang
136. Mother Nuamzavung
137. Upa Thongzalam
138. Pu Kaikhankap
139. Ex-Sub. Upa Kaichinpa
140. Pu Ex-Hav. Thangzakhup
141. Upa S. Suanzakhom
142. Upa P. Chinminthang
143. Retd. Rev. S. Nengkanhang
144. Pu T. Lianchinlam
145. David Kapsuanmung Zo
146. Nh. Vunghauniang
147. Tv. Goumuankhup
148. Khupno Tombing
149. Ginchanglian Samte
150. Ex.Hav. Khupzathang
151. Nu Muanching Sangma
152. Sub. P. Goukhanlian Zou
153. Ex-Hav. Sianzakhai Munluo

Article zousie Editor kunga pieh ding; ahilouleh, e-mail in
melchqtrs@gmail.com tungtawn in a piehthei ding hi. Tualeh, a lahaman
Circulation Manager kunga pieh ding ahi.

Koipou Patron member a pang utte a dingin ₹ 1000/- pie in a pang thei gige hi.

Editor daukan apat...



Gospel Tangkou melmu thei jel dia hing pui Pasion kungah lungdam thu itut hi. Gospel Tangkou simtu zousie Mangpa Jesu min in chibai.

Tukum thupi: *“Pasion gam leh A dihtatna sui masa un...”* chi a thupieh ihi. Leitung ah sui ut tampi inei a, nei ut zong tampi inei hi. Amasa diing pen masa sahlou a, a nina leh a thumna diingte a masa a ikoi khah diing pilvan huoi mama diing hi. Pasion gam sui a mu masa loupí a a **dihtatna** pibawl phei mawh zong adih hituon lou maithei hi. Pasion gam a um/ teeng dan a kingaituo a, **dihtatna** neilou chi zong dih tuon lou hi. Koi in zong Pasion gam a sui a amu leh a sungah teen gut teitei diing hi. Pasion gam khu sui ngai dan hi- Bible in ahing hildan in. Tu a America gam zong mi masate’n ana mukhiet uh hidan ahi.

Pasion gam suina diing khu Van-gam a sui diing hilou in, tam leitunga sui diing ahi. Ajiehpén Pasion gam khu na lah (na kung) uah aum hi..., chia Jesun ahingna hil bangin, Pasion gam eima aum ahidan Hagau Siengthou tungtawn a theichet poimaw hi. Tami theichetna umlou in Pasion gam lut thei ahisih hi. Tuajiehin, Pasion gam mu, masa lei a **dihtatna** nuoi a um theipan diing ihi.

GAWTNA CHI SAWM TE (10 PLAGUE)

:: Pro Pastor M. Thangboi Zou ::

Thumapui: Alien aneu atheilou um nonlou, Pasion in Egypt mite tunga atunsah Gawtna chi sawmte (10 Plague) thu ahi. Bangjeh a Pasion in Egypt mite tunga tami atunsah adiei? chi a thei siemlou bang kium thei ding hi, akhen khat in tami ahiding mawng avele amauteu Pasion gintaloupi uh, chia ngaisun pawl bang kium thei ding hi. Pasion in leitunga silkhat aumsah chienga amawh umсах hilou in, ajieh neia atunsah ahizaw hi.

Tua ahileh, bangzieh pentah a Pasion in Egypt mite tunga tambang Gawtna chi aawm atunsah adiei? chia lungdong aum khahleh Pasion in Egypt mite guoh gawtlou in, amauteu ana bieh (worship) uh a pasienpa leh pasiennu (gods & goddess) uh douna a atunsah ahizaw hi.

Pasion in tami Gawtna chi sawmte atunsah najiehte tam anuoi a bang in en chien vai:-

Gawtna chi 10 te	Laisiengthou	Egyptte pasienpa leh pasiennu
1. Nile lui sisan suoh	Exo. 7: 14-25	Nile Bawngtal pasienpa Hapi (Apis), Nile pasiennu Isis, Nile luiveng Belamtal pasien leh pasien dangte douna ahi.
2. Ukeng a gawtna	Exo. 8: 1-15	Ukeng banga lu (head) nei a pasiennu uh Heqet douna ahi
3. Hit a gawtna	Exo. 8: 16-19	Senel pasienpa Set douna ahi
4. Thou a gawtna	Exo. 8: 20-32	Ni pasien (sun god) Re, thou a kilang Uatchit pasienpa douna ahi.
5. Hima a gawtna	Exo. 9: 1-7	Bawngpi lu bang anei Hathor pasiennu, guolzawlna pethei Bawngtal pasien Apis te douna ahi
6. Uilutpi a gawtna	Exo. 9: 8-12	Natna tunga thunei Sekhmet pasiennu, gimna pasiennu Sanu, damna pasiennu Isiste douna ahi.
7. Giel a gawtna	Exo. 9: 13-35	Van pasiennu Nut, bu-le-bal hauna pasien Osiris, huiپی pasien Set te douna ahi.

8. Khauphe a gawtna	Exo. 10: 1-20	Van pasiennu Nut, bu-le-bal hauna pasien Osiris, huipi pasien Set te douna ahi.
9. Miel a gawtna	Exo. 10: 21-29	Ni pasien Re leh Horus, van pasiennu Nut leh Hathorte douna ahi.
10. Tapa Upapen shina	Exo. 11: 1-12:30	Nau neitheina pasien min, numeiten nau aneichieng ua naudom pasiennu Heqet, aching/ akem pasiennu Isis, tualeh pasien khat banga anagel uh Pharoah tapa, amaute douna ahi hi.

Akhupsitna: Egypt mite tunga Gawtna chi sawm tungte tun bangzieh tung ahiei chi na chieng tai ma? Miten hing dong uleh ajieh nagen theita diei? Tamna Gawtna chi sawm tungte pansa ka hing lanuom ahileh, Pasien theilou a hinkhuo zangte maban khu Egypt mite tuasa gimneizaw tua thei ahidan thei chietlei chia mawl tah a tami ka hing gel ahi. Pasien thupina, Hattungnung Pasien ahidan leh Guoljoupa Pasien ahidan theisiem a Ama deidan a hinkhuo zang theichiet din tami thu simtu zousie Mangpa Pasien in hing umpi in hing guolzawl chiet taken. ✕

THUMPI VAI

- » Mangpa'n damna ahingpia leh ahing tungt ding Date 29th Aug- 12th Sept. 2017 sungteng Chennai khopi a National Missionary Society of India (NMSI) te Mang nna isep khawmna ua, I Missionary mi 5te "Orentation Training" nei ding ahina ua, hattuom miten lawching tah avazat ua ahing kileh kia theina ding un thumpi chietvai chin ikingen uhi.
- » Training a peiding te ahileh:
 - i) Pa Ibothem of Chairrel
 - ii) Pa L. Raju Singh of Chairrel
 - iii) Mr Nengzachinkhup of Manniang Khuo
 - iv) Miss Nianliankim of M. Lunnuam
 - v) Mr Lam Joseph of Chingmang Veng
- » Pastor Khup Do Khen zong tu-le-tu in USA gam a Fort Wayne Indiana a Laisiengthou zil a umpen lawching tah a ahing zawh theina din thumpi chiet vai.

Amanpha pen “MOU VANKEN”

Mou pawî khat a um chiengin, mitampi kihouna ahileh “*mou vanken bang chi bangte ahie?*” chi ahi hi. Mihausaten atanu uh hakhiet chiengun mou Van ken tampi aguon uhi.

Mou vanken amanphatna sum leh pai, sana leh dangka ahimasai, nungahten a sienthouna (Virginity) toh pasal anei ding khu amanpha penpen na mou vanken din koi tinten in. Tua sanga thupizaw mou vanken ding leitunga adang umlou hi.

Nungah khat a dinga akiteenpi a pasal pen amasa penpen a alupkhawmpi pasal hihen len, pasalzongnunei alupkhawmpi masa pen azi hithei leh adei huoipen hi. Tamin nupa kal ki lunggulna bukim sah hi. Nupa kilam etna pen amau nupa kaal bou a kingah ahiman in, ki-itna tamin nupa kal ki-itna khangsah hi.

Kolte’n mou anei ding chiengun a lup masa pen ding chiengun (first night) Bed-sheet Ngou (white Bed-sheet) apha sah ua, zingmawng chiengin ania leh (sisan aban leh) a tehpite lungdam in

kipah mama ua, sisan aban sih leh ki theisiemlouna piengthei hi, chi kigen ngai hi (Numei virgin te pen first night in sisan luong chi uhi). Tuhun chiengin nungah-tangvalte nulepa sienthouna kikem siemlou in, hunlem suiin alumkhawm ua, tua bangte ahing kiteen chiengun, nupa kal a kithei siemlouna lienpi hing tungin, nupate’n kikhen dingpen hamsa sahvawt lou uhi.

Tuabang nungah-tangvalte in zi-le-pasal ah akinei chiengun lungkim thei nonlou uhi. Bangzieh in ichileh, amauten nupa hinkhuo ana zang jouta/chiem jouta ahimanun, nupa kal a nopsahna a lungkim thei nonlou uhi. Amau uah lou midang lunggul in, a nuomzaw dingdan in ngaisun uhi.

Zulzauna leh chitahlouna Haichi kituh jouta ahiman in kum tam nailoupi’n nupa kal a kithei siemlouna leh ki

ginmawna lienpi hing tungin, tua ten kikhenna (divorce) tun thei hi. Tua mi jiehin Nungah-Tangvalte aw, na zi lou dingpi/ na pasal lou dingpi toh nupa hinkhuo zang nai sih unlen, nupa na hi chiengua amanpha pen leh khonung a buoina aumlou na din kikem siengthou un. Sienthoua kembitte ahing kiteng chiengun kiginmawna leh midang lunggulna nei lou in, amaute kal a ki-itna lienpi tun hizaw hi. Nungah ten na mou vanken ding ua thupipen khu na Sienthoua

uh (Virginity) ahiman in, ahunlou pin na tangvalte kung a pekhe naivawt sih un. Tulai igam a nupa tampi buoina khu a Sienthoua (Virgin) zang masate ahideu tangpi uhi, chin misiemten suikhie uhi.

mou ding a kisahten Sum-lepai, San, Dangka sanga thupi zaw leh manphazaw khu na SIENTHOUNA uh ahiman in, tuami kemsiengethou chiet din ikingen leh chiel uhi. Tam kan a mou VANKEN a thupipen leitengah umlou ahi hi. ✨

Courtesy: Thupuak. June-July, Vol-14, 2017 issue apat lakhiet ahi hi.

MANGPA THUMNA

:: Pastor KhupDoKhen ::

Ka Pa uh Van a um: Tam a tunga thumal te leh thuguol tungtawn in bangkim bawlthei Pa Pasion khu, eite a dinga i Pa dihtah (True Father) ahina i gintat theina ding ua, nunem tah a ang chielna ahi hi. Tuachia, eite jong Ama ta dihtah ihi dan iki theichet na ding uh leh hangsan tah leh muanngamna toh Ama kung a i dei, i ngaite i nngat ngam theina ding uh ahi.

Na Min ki zatat hen: Pasion khu Amin mama leh jatathuoi leh siengthou (Holy) ahi hi. Tami thungetna a ahing tuan khahna zieh pen, eite ah jong, tami min siengthou pen, siengthou taha kepbit a aup ding deina ahi. *Pasion min siengthou pen bangchibanga*

siengthou taha kepbít in a um thei diei le? Pasion thu pen thutah ahina banga genkhieh a aup ban a, a siengthou sitset zuou themnou khat jong panglou ahi a, ei Ama tate'n i pomdet ua i zui chinten chieng un, Pasion min pen siengthou taha kepbít a um ahi thei giap hi. Tua ahizieh in, Vantunga um Pa Pasion in eite a pomdet zou leh zuizou dingin hing siem taken. Ahivangin, Pasion thutah kituoh lou a thuhilna neite leh gamtat-khohei dan neite khun, Pasion min a suthanghuoi ua, eite lah ah suhmin sietin aum zel hi. Tambang hinkhuo zang lou dingin Pa Pasion in hing veng taken.

Na Leenggam hing tung hen: Mangpa Leenggam khu, eite thungetna zieh hilou a, Ama thu a hingtung ding mong ahi hi. Ahivangin, tami leenggam khu eite lah ah jong hing tung leh chi idei zieh ua, i thum uh ahi. Mangpa leenggam khu bang hing chitun ding adiei le? Mangpa leenggam khu, Vantunga um Pa Pasion in, eite kunga a Hagau Siengthou ang pieh a, a tuachia Ama hepina toh A thu leh siengthou i gintat ua, i pom ua, tam leitung i

hinkhuo ua, Ama deibanga hinkhuo siengthou i zah chieng un Mangpa Leenggam khu eite lah a hing tung ahi hi.

Nadeilam Vana akibawl bangin Lei ah jong kibawl hen:

Hepitu Pa Pasion deilam khu, eite'n va gen vateh sih jong lei, a kibawl ding mong ahi hi. Hinanleh, eite lahah jong bawl a aup theina dinga i thum uh ahi hi. Bangchi dan in e, Pasion deilam akibawl thei di? I pienken gitlouna, simlei vai leh melmapa diabol gitlouna lungtup-lunggul te suhsiet leh heimanga a um chieng leh Pasion deilam bawla um zel ahi hi. Tahsa lemgel, simleivai leh diabol in, Pasion deilam bawl a aum ding leh Pasion min zatat a aum ding pen tangdal a adal pongsan ahi hi.

Tuachia, tahsa pianken, gitlouna, khovelthu leh diabol in silhoilou i tunga abawlsawmte khu i nan zouna dingin Pasion in hagau in ang suthahat a, Ama thu a i ginna zal in dettahn angki bulphu sah hi, i shi masang sie in.

Tami khu ahi van a Pa deilam chia i gen khu.

Nichin Ka nehkhop uh Ann hing pie in: Eite thumna zieh hilouin, hinna nei tengteng kungah a niteng neh ding uh Pasion in apie hi. Migilou te nasan jong ann neh ding apie hi. Neh-le-tah te Pasion hing pieh ahidan, i lungtang laigil a theina kichian tah a i theina ding uh leh khum silpiete khu kipah thanuam taha a san theina ding ua i thum uh ahibou hi. Nichin nehkhop ann kichi bang ahiei? Nichin ann neh kichi in a huop khah a tam mama hi. I tahsa damna ding a kul-le-poimaw te, neh-le-dawn, sil-le-teen, inn-le-lou, mun-le-muol, huongvulganta, sum-le-paai nasem mi ginum tah, ta-le-nau, vaihawmtu ginum, kumpi hoi, khuahun hoi (good weather) lemna-le-muanna, chidam-le-damna, ei-le-ei kithu zawna, minhoi-le-minpha, lawm-le-gual hoi, innveng-louveng muanhuoi leh a dang dangte a huop kha sieng hi.

Solna ah hing puilut sin: Pasion in koima mongmong a sol/ hem sih hi. Tami thumnapen, tahsa lunggel gitlouna, khovel vai a gitlouna leh diabol nasepnate lah a

i va pan khahlouna dinga Pasion ven-le-kepna thu i nget uh ahi bou hi. Tualeh tam gitlouna nasepnate in ang sol zou lou na, thugin dihrou lam a ang puikhiel louna ding uh leh zumna, muolphouna leh zahlatna, lungkham-sinkhamna topkhoh tan tun theina lah a ang ven-ang kep dinga, tami thumna i gen uh ahi hi. Tam a tunga i gen gitlounate in nichin in hing sual zing nan uh leh jong, tami thungetna i nei chiengin Pasion in ahing dawng dinga tamte tunga guolzawna loupitah Pasion in ahing pieh ding ahi hi.

Gitlou lah apat hing hundam in: Tami thungetna pen, atom lam agen in, i tahsa tung leh i hinna a gitlouna chituom umsa-i kam ham, i lunggel, i mitnu, i bil a i zah, i neile-lam, i thuneina leh adang dangte apatsa'n Pasion in hing hondoh hen china ahi hi. Tuachia, i hinkhuo nukhia lam ah, lungmuong taha ang khawl/ tawldam sah a, tami leitung gim-genheina nuasia a A hepina leenggam a Aman gel toh vangam a i up khawm theina dinga thungetna ahi hi.

Gamte, Silbawltheina, Lou-pinate Kumtawn a Nanga ahiziehin Amen: Tami thungetna pen, nang agenpa, athumpa ngelngel in na theichien dinga kiphamaw pen ahileh, tami ka thungetna khu, Vantunga um i Pa uh kipahna

ahi a, ang ngaikhieh pieh a, Ama ngelngel in tambanga thum dinga ang thupieh ahi dungzui in ahing ngaikhieh sah dingin jong thuchiem ang nei hi. Amen- i chi akhietna khu-ing e, hing hita hen... china ahi hi. ✘

JESU KHRIST ADIA KITHALAWPNA

Hattuomte Jesu Khrist leh Ama thute kithalawpna tahtah nei hilei, I khuolzinna diing muol khat zong umdin ka gingta sih hi.

Pasian gam nasepna dia mi koi zong a mohphur zousie i poimaw tuan sih, leitung a mi sang tampi umzong leh. Khristian kithalawp-tam khovel silte a kithalawpte ahi uhi! I poimaw uh ahileh Jesu Khrist adia kithalawp, khristian mimal atamzaw Pasiasn ta Pasian deibang sem diing a thanopna meikuong nei (Pasian nasem nuom) Hundam a um, Hundamsa hita, midangte hundamna huong sunga pulut theina dia buoipi zing, Jesu Khrist in agen bang bawlnuomte, asawlbang a sem nuomte, Jesu Khrtist nasem die ginumte kideizaw hi!

Khristian, Jesu Khrist leh A lampite zui kithalawpsa adim i poimaw uhi! Silmu tampi mu a, kiphaltah a ahun, asum leh theina neite apia mateng (Pasian adia akizat mateng) kipah ngeilou mi i poimaw uhi! Lungsim tah a seplouna! Angeina banga peina! Mangpa Hattuomte lum-la-lum lou, vot-la-vot lou hinkhuo itawpsan diing un, hun peisate sanga hingzaw dia ihin diing uh ahi hi. Ephe. 5: 14 nan, “*Nang imu khanglou inlen, mishi lah kipat thou in, tuachi’n Khrist in ahing salvah diing hi*” achi hi.

Na hagau hinkhuo amitsa khu mutthah kiain! Mei mitsa khu zaphthah kia in, mielnuoi a toute khovah toh itanvah diing uhi. Kidouna (huotna) meikuongte hilou in, Jesu Khrist Hundampa, Mangpa leh Kumpi vah toh hizaw hen! Munchin a khristiante Jesu Khrist adia kizangthah kia din kang chou (challenge) hi, tam khovel silte a na thanop nate uh khawlsan unlen, na hinkhuo aum nalaite a Jesu Khrist adiing in, tam leitung na

hinsung in a Ama nasepna lam a kithalawpzaw chiet tavai.

Khristian nahileh kingaisut in, Jesu Khrist adia thalawpna neilou a khovel silte a na thalawp zing mawt lah pi apeisuol lampang nahi ta diing hi. Piengtha sihte kangchi sia, Pasian nasepna dia na kithalawp theilou leh na pienthana khu kiviell chienzaw din kang ngen zaw hi. ✕

TEMBAW THUMTE

Aminthang mama, alian aneu in a flim min i theichiet, mittui Luongzen a i-et uh TITANIC tembaw abuoisiet laitahin Titanic tembaw toh kigamla lou a tembaw dang thum aum uhi.

Amaute (tembaw dang) tanchin saulou in i en ding hi:

SAMSON: Tembaw thumte lah ah akhatna khu ahi. Titanic tembaw kisietin Titanic apan mel 17 a kigamla ah um ahi. Titanic tembaw apat “Flares” akapkhiette uh mutham uhi. Hinanleh, dan in matdia a phalou Seal (ei gam a umlou ganhing chikhat) mandia kuon ahiman un, matkhiet a

um ding ajau jiehun, Titanic chimawh beidawng aumpen kilepsan in, Titanic toh kigamla ding in mun dang del in ataisanzaw uhi.

Tami Tembaw in, mihingte lungsimpuodan leh ihina chet uh ahinglangсах hi. Eima hina dihtah i ki-en a, i umdan gamtat in hing siemtan lou jiehin, silhoi i bawlthei dingte bawltheilou/ ngamlou in,

panpingai a ikimvel a umte, eima umdan hoilou ahiman in, amulou/ theilou kibawl in, hamtheilou bang mai a sip dide in, silhoi bawlding kizumpi leh kisuongla in, midang panpi ngaite nasan panpingamlou in i kiheimansan siengtah uhi.

CALIFORNIA: Tembaw Nina ahi, tami Tembaw ahileh, Titanic kisietin mel 14 leh a kigamla ah um ahi. Titanic tembaw akipan “Flares” akikap khietin captian pan mu hi. Hinanleh, vuokhal lienpipi tembaw kimvel a um ahiban ah, khuo miel ahi toh theilou kinei in lupsan a, khuo ahing vah chieng a hoitah a etchien diing in akoi hi. Tamna tembaw a semtute ngaidan in, sil poimawseng lou leh bangpi hi di’n ngaisun lou in lupsan uhi.

Tamna tembaw a tuongte ngaidan khu gingu tampite ngaidan ahi hi. Sil khat phot a hunlai aumchiet hinaleh, eima ngaidan paipi in, “Tun vang, man naising, ka hun thawveng nei chiengin ka bawl nading, tu petpetin buoipi ngainai sih, hundang um nalai” chia hundang i ngahsung in, sil tampi ana kikhel a, mi

tampite’n a hinna uh ataan loh uhi.

CARPATHIA: Tembaw thumna khu ahi. Tami tembaw ahileh Titanic toh mel 58 vel akigamla ahi, Titanic buoilatah in. tembaw radio apan mangbang a panpina poimawte thawm (distress call) ging atheiphet/ zaphetin, Titanic toh kigamla sim hinanle captian in chimaw in panpina ngen ging a zahte zieh in akhupdin suh a, Pasian kunga panpina ngen in athum hi. Tuajou in a tembaw nuahei in theitawp suoh in Titanic panpi dingin vuokhal lienpipi tunga tai vutvut hi. Tami tembaw ahi, Titanic tuasiet a Mi 705 hunkhie aumte, ama hutkhiet ahi hi.

Tembaw captian pa’n a tembawpeinalampianuo etkia chiengin lamdang asa mama hi! vuokhal lienpipi tunga apeitheidante anuongaisut chiengin, lamdang sain, atheisiem sia, “koi ahiei khat in tami tembaw tol/ heh hi” achi hiel hi.

Carpathia apan zildia hoi: Mani kimang hilzen a midang awlmohna/ panpina leh itna

neite nasepna ah Pasion a kigol in, a nasepna uh a guolzawl louthesia, aguolzawl teitei hi. Tuamijiehin, tam i khuolzinna khovel a i tamsung in, eima bou ki-en a, ei-a ding bou a hinglou in, midangte adia hing kawm in, eima bawltheina lamchiet

ah theitawpsuoh in i semchiet ding uhi. Panpi ngaite panpi in, hagaulam a thawmhaute leh tangtawn shina lam zuon a peilelte hutkhietna nnasem di'n i bawltheina lamchiet uah pan ilatha ding uh ahi aw!!! ✨

Courtesy: Ruth Messenger, Vol-XXI, July-Aug. 2017 Issue apan lekhiet ahi

PASIAN THU NA AWI LEH AMA DEILAM AMASA'N KOI IN

Pro-Pastor M. Thangboi Zou

Mt. 6:33nan, “*Pasion gam leh adihtatna sui masa un, tuachi'n tam silte zousie piehbe na hi ding hi*” chin agen hi.

Khatvei sap nungah khatin Dawr a van aetleh puohna tungsil adeilam tah khat amukha hi. Tuami lei anuom a, hinanleh hamsatna khat ahing um hi. Tua puohna adeipen lei leh sawm-a-khat pe theilou diing, alei lou leh apia thei diing ahia, tuamin asum neite hing hisap tahi. Tuachin abuoi mama a, hun sawtpi aki ngaisun tahi.

Tuachia hunsawtpi akingaituo sungin, sawm-a-khat pia a adei mama puohna khu leilou maidin thutanna ahing siem khetamai hi. Tuachin Puohna juote (Dawr neipa/nu) kunga tam adeipen sanga man ngeimzaw pen leidin athuhah tahi, adeipen leina diinga asum akichinta lou jiehin. Taumijiehin, puohna juohten athu happen puohna khu ana neinon tahsih uhi (khawng/jua manta), tua adeipen ma ana um hi. Numeinu athuhahlou pen khu athonta uhi.

Sawm-a-khat pelou jenin tua puohna adeipen thuhah taleh, akhonunga aman adit angai diinga ama adingin a hamsa zaw diing hi. Tuamin aphattuomna zong umlou diing ahi. tamna nungahnu bangin Pasion adiating ma masa sapoulei ei ading Pasion in hing ngaituosa mama diing hi. Tuajiehin, Laisiengthou gen bangin a gam leh adihtatna sui masa vai.

HATTUOM KICHI BANG E ?

Thuhunlui leh Thuhuntha a hattuum umdan leh ahina hing kilangh toujel khu a ngainop huoi hi. Thuhunlui sungah hattuum kichi thuteng umsih nanleh hattuum dinmun a nakizang khu Pasion in A hatkhawm mite (Israel-te) ahia; abulpantu khu Pasion ahi. (Nam.10:2,7; Exo.16:3; Hos.11:1).

Thuhuntha hun ah Pasion bekhawm diinga gingtu umkhawmte khu hattuum akichi hi. (I Kor. 11:18). Munchin a gingtu um zousie zong khu hattuum ahi. Paul in Korinth khuo a mite lai athotna ah zong, “Korinth khuo a Pasion hattuum umte, Khrist Jesu a suhsienghou leh misienghau hidiing a hat a umte...” chi’n ana gen a, angai mama hi (1 Kor1:2). Inn khat a kikhawm khawmte zong hattuum chia hat in a um hi (Rom.16:5). Gingtu zousie huop in hattuum akimang hi (1 Kor.10:32-33; Phi. 3:6).

HATTUOM HINA PAWLKHATTE GENVAI:

1. Pasion Biehinn: Hattuumte, Ama gingtute khu Pasion biehin sienghau, chia gen in a um a, khum biehin susetu khu Pasion in a suse diing hi, chin agen hi (1 Kor.3:16,17);

khum bep hilou in, Khrist ngel zong khu Pasion biehin sienghau a, a ning a suong poimaw pen hi in, gingtu umkhawm a hattuumte khu suong lep tuom tuom kilem khawm, Mangpa Bieh Inn sienghau ahidan imu uhi (Eph.2:20-21).

2. Khrist Mou (Bride): Paul in, Hattuum khu Khrist mou (Ji) sienghau diing leh, Khrist ngel khu a Pasal hidiinga khaam sah in a um ahidan agen hi (2 Kor.11:2). Pasal in a ji a it a, ama a diing a a kiman zou bang in, hattuum khu niehkai lou, dem baanglou leh sienghau diinga Khrist in a kep a a etkol ahidan agen hi (Eph. 5:25-27).

3. Jesu Khrist pumpi (body): Hattuum khu Jesu Khrist pumpi (tahsa pum) bang a gen in a um a, hattuum lutang khu Khrist ahidan imu hi.

Tami in hattuom leh Khrist kizopkhawm dan, khentuom thei ahilou dan, akipumkhat dan a tahlang chien mama hi. (1 Kor.12:27-28; Eph.1:23; Kol.1:18, 24; 2:19).

4. Pasion innkuonte: Hattuom khu Pasion inkuonpite, thutah ban leh kingahna (1 Tim.3:15), namteel, leeng siempute, nam siengthou, Pasion mite ahi (1 Pet.2:9; Gal.6:16). Hattuom ahina leh umdan Laisiengthou in ahing hildan khu thupi va-ia e-maw.

Eima gingtu mimalte hattuom ihina ah, eima tahsa suse thei sil giloute leh hattuom mite kipunkhawmna-Pasion innkuon sunga kithunei sangtah a vai isai khah ding jauhuoi mama hi. Pasion hattuom khu Pasion a ahidan theisiem tah a itna leh lainatna lientah toh kep diing ahi. Hattuom khu Pasion **mit-naute** (mit-laidum) ahia, Pasion mit sawhkhate Pasion in beeng-thop thei ahi.

Simtu zousie Pasion in hing guolzawl taken, Amen. ✕

Courtesy: "Kohran Thurin" by: Rev. C. Lalsangliana.

FRANCIS *Thumna*

Mangpa, hepitahin lemna palai in hing bawl in aw,
Kihuotna mun a itna tuntu diing in. Kilungthasa namun a ngaidamna,
Gintatlouna mun a ginna, Beidotna mun a lametna hing, miel na mun
a vah.

Lungkhamna mun a kipahna.

Aw Siengthou leh Thupi, tami ka hing ngen hi.

Hamuonna suilou a hamuontu hi,

Mite thuopihna dia thuopina lamet tuonlou diing in!

Mite theisiempi diing a theisiemna lamet tuonlou diing in.

Mite it diing, itna lamet tuonlou diing in.

I pieh ahi pieh in um vai, I ngaidam in ahi ngaidam a i um vai.

Keima a keima a shi chiengin in ahi Tangtawn hinna a hing nei hi.

MANGPA JESU AH KILAM DIH IN

Pastor khat, a sermon diing lunglut tah a a kisahkhawl laitah in, a tanu kum 5 mi ding khat akungah ahing pei hi. A tanu in asuhbuoi diing a jau jiehin a room sung a puilut in, a tanu room sung akitah khovel map (World Map) kitah botkhia in, neu nounouin a botkeh hi. A tanu kungah tam khovel map hoitah a ana lemtou diing in asawl hi. Khovel map neu nounou a kibotnen pen beilamtah a lemtuo dingpen silbai hilou, lemtuo hasa mama diing ahiman in, a tanu in khovel map a lemtuo sunga, aman a sermon diing kisahkholna anei thei a kilam et jiehin a suhbuoi lou diing adei jiehin map lemtuo di'n thu apia hi.

Hinanleh, minute 5 a beinung in, a tanu in khovel map lemtuo zouta ahidan apa ahing hil tamai hi! A pa'n lamdang a sa mama a, a tanu kunga, "Bawi bangchidan a tulle a tam khovel map lemtuozou pain a hiei ma?" chia adot leh, a tanu in, "Pa, khovel map lelampang a Jesu Lim kigel a um a, Jesu lim pen ka lemtuo leh, khovel map pen ana ki lemtuo maidiing ahi chi ka thei hi" chi'n adawng hi.

A tanu thugen in apa lungsim a khei mama a, apa ahing halkhia phut a, a tanu kungah kipahtu agen hi. A sermon diing, "*Na khovel bawldih diingin Jesu Khrist na hinna*

ah dihtah in tukip phot inlen, na hinna Jesu khut thupitah ah ngakhia in. Tuachi'n sildang teng ahing kilemtuo sieng mai diing hi. Tami thute mi dangte kungah gensawn zel in, na hinna Jesu panglou in kilemtuo in a kilemdih in apeidih ngai sih ding" chi'n, a sermon diing ahing umkhia zungzung mai hi.

I Mangpa Jesu Khrist panglou in vang, mimal hinkhuo, innsung, hattuom, khotang, gam leh nam a kilemtuo thei ngaisih diing hi. Na khovel hinkhuo lemdih tu ding in Mangpa Jesu na neita ma, Unau? ✨

Courtesy: Ruth Messenger, Vol-XXI, Jan-February, 2017 Issue pan a kilet khia ahi.

INTERNATIONAL CAMP COUNSELLOR PROGRAM UPDATES

Mansfield, Ohio 30th July: Zatat um MELC Bishop, Pastors, Evangelists, Upa leh MELC hattuum sung a Lamkai, aneu apat alian tan, I Mangpa Jesu min in chibai.

Ibieh Pasian hoina zal leh i thumnate zia un USA gam a Summer Camp Counselor ding a ka kalsuanna lawchingtah in ka zouthei ta hi. International Camp Counselor gam 34 kaki suhtua ua, Ken Lutheran Outdoor Ministries in Ohio (LOMO) kichi outreach a kasem hi.

Tuchiang in Lutheran Memorial Camp (LMC) a tukalsung ka um ding a, date 12th August chia Chicago chop Ka zuanta ding hi. Chicago a ni 4 ka umding a, tuazaw Chiang in 16th August chia India Juan in kang pei ta ding hi. Chicago a ka umsung in ELCA Head Quarter visit kasawm ua Bishop Elizabeth, ELCA ama kimu thei ding lampi kien sawm a, alemthei leh Vondei Sauliim thu ka gen nuam hi.

Ei MELC leh ELCA official a MoU ki signed ataam a? Ahisih leh MELC leh ELCA direct a partnership hithei nang kisai sawmlou ama chi zong kathei nuam mama hi. Azia ELCA sunga Fund peidan ka et leh ei India gam South India lam fund ha lut mama in, North East India (i.e MELC) te kung a tunglou in kamu. Direct partnership hithei leh chu MELC in phattuumna tapi muthei ding hi. Kang tung chia hoitah a genkhawm ding zong kadei mama hi. Khristian hichiat leizong, India gam ah discrimination (kituampaina) um nalai hi. Kolte nuai a um um ding pen deihuai lah deu eh. Panpina ELCA apat imu leh zong direct a MELC kunga umthei nading lampisai ding ahoi kasa mama hi.

Orphanage home hoitah leh liantah siamthei hi, Disaster relief leh hunger relief tapi muthei hi. Ahin tuate pen direct partnership with ELCA hi leh ei MECL in phattuum mama ding.


Bang eh I ngaidan uh? Ahisih leh innlam kangpei chiang in genkhawm ding hoi isazaw uoi? Or kagen ding lawmlou kagen khaleh ngaidam. Ka thanuam seng leh i hattuum um hatsem ding leh letsem ding deina a idea share kha hi.

~Khamlianlal

LYF *column*

TESTIMONY:

FOOTBALLER JUAN SARAH TANCHIN



Thupatna: Khangthate adia a Football lunglut diaten Juan Sarah hinkhuo akipat eiten zong Pasion nasepna a zat thei ahidan ithei siemna ding uleh, football kimawlna pansa zong Khantanhoi tangkoupi thei ding ahidan ithei ua, isepna khat pou pou a Pasion minthanna ding leh Pasion leh i hattuom miten Pasion hoina leh thupina amu chiengna ding ua theitawp suo a pan ding ahidan, deisahna jieh a kahing teisawn ahi hi.

Scotland a kipat in Pasion nasem dingin ka pei a, Dundee United a kipat in Pasion a dingin sil thupitah mai bawl kanuom hi. *“Na ut ua ahileh, Mr Juan Sarah Evangelist chin nang hanthei uhi chin Kum 2000 kum ah Dundee United Football Club a zawp ding kuon ing”* chin Juan Sarah in agen hi.

Juan Sarah ahileh Argentina gam mi ahia, Argentina ah footballer thupi tah hisih nanlezong Pasion mitmu a, evangelist footballer thupi tah ah sim hi ngei ding hi.

Kum 2001 a khu Scottist Premier Leage ah Herich Larson kithuopitu ahia, season khat in goal 17 tah akhum hi. Goal akhum tengin a Jersey suokhia in, apuonna nuoi sungsilpen a *“JESUN NANG ANG IT HI”* (Jesus Loves You) chia kigelpen Ball peh entute mutheidin asulang zelzel hi. Tualeh khovel pumpi a TV ah football pe entute muthei dinga khantanhoi (Gospel) tangkouna a vanzat phatuom tah mai ah azat khu ahi hi.

Juan Sarah in Cerro Posteno (tami khu Paraguay ah club khat min ahi) ah apan laiin ka lawipa Sergio Racadele in biehin ah kikhawm din ang pui zing hi. Tua hun laitah a football lam a ka beidawn tawp khawh laitah hun ahi. Football pesiam hitheina dinga panpitu ka poimaw mama hun zong ahi hi. Tuachia beidawng leh lungkham tahmai a ka umlai tah in, ni khat biehin kava kai leh, tuania thugentupan Laisiengthou Phil. 4: 19 na, *“Pasion in a hausatna thupi dungzui in, na tahsapna zousie uh ahing pe ding hi”* chileh Johan 3: 16 na, *“Pasion in khovel a it sengsenga, tuachi’n a tapa tangkhat neisun apie hi, koipou*

Ama gingta in amanthat lou a kumtawn hinna anei zawhna dingin” chite ahing sim hi. Tamna Lisiengthou Tang ten ka hinna ajou mama mai a, im theiguollou in ka lungsim a nna asem a, ken zong ka hinna pumpi khu Mangpa Jesu a dingin ka lankhia ngalta hi. Mangpa Jesu khu ka Mang-le-hundampa dingin ka pom a, tunia kipatin tahsa lam ah ka poimaw zousie kamuta a, hagaulam avang tambang hamphatna leh vangphatna tangtu ka hinia kipat in vangpha ka kisa mama hi. Khuleh, tuni akipat in, limna leh hamuonna thupi tah khu ka nei zingta hi, achi hi.

Juan Sarah in nichin a Laisiengthou sim athasia ngaisia, sil bangkim a Pasion gingtu hileh a nuozuitu hi khu akizumpi vawtsia, akizumpi zaw sangin a kisuonpi zaw mama mai hi.

Ama’n, “Khristiante zousie’n mohpuohna inei chiet ua, tua khu Jesu Khrist hepina khantanhohi midangte kungah phuonza ding ahi, kei zong ka loipa’n (Sergio Racadele) hagau mangthai ka hilai in hundamna huongsung ah ei puilut bangin, ken zong ka loite (ka teamte) leh ka kimawl na entute kunga Khrist hepina khantanhohi phuonza khu ka leibat lienpen in ka ngai a, phatuom ngaitah in ka pang zing hi” chin agen hi.

Tanchinbu leh thu lakhawmte’n Juan Sarah in goal akhum tengin Pasion thu kigiel “JESUS LOVES YOU” kichi asuhlat khelkhel nazia adotna ua, ama’n hichin adawng hi. Tami ka bawl na san ahileh Pasion gingtu (Khristian) ka hina leh Khrist Jesu’n ang hepina khantanhohi midangte kungah ka phuonzana in ka ngai a, theitawpsuo a pangin ka bawl zing hi, achi hi.

Amasapen in, “kei leh Pasion kikaal khu ka ngai poimaw a, Pasion hatna panglou lungkimna leh kipahna khu buchinglou, tuamin hinkhuo a thawmhausa a, adangta zing hi. Kei leh ka Pasion kikaal a fel pouleh, Pasion in ka liengkou a mohpuohna angpia, ka damsung in tawpsan vawtlou ding kahi” achi hi. Juan Sarah in ahinkhuo ah a ngai poimaw pen khu, “*nichin a Pasion nuazui a, akungah Pasion itna theisah nuomte ngah zinga, a lampi guotpia leh akawmuhna dungzui ah kalsuon ding chi khu ahi.*” Tambang gingtu kipejou zing leh a ginna a dingdet ah ama Jesu toh kalsuonkhawm zingte khu bangzieh a hagaulam a ga suoh lou ding e...!!!

Tunia football kimawl zing khanglai nang zong kingaituo thah in, piengtha kahi tah, Khrist nuozuite kahi na kichi nuoin na hinna a

bangpen tah na ngaikhaw ei? Na tangmi (story) midangten hing sim ding hita uleh, bangchin na tanchin leh testimony nuosiet ding na nei diei? na testimony midangte hinkhuo puitu hitheina dingin, tunia na hun manpha pen khu Pasion toh zangkhawm inlen, nisim in Laisiengthou sim zing in, Pasion in na kungah agetnuomte ngaikhia a, Pasion deidan ah kal nasuon zing ding poimaw hi. Kingaituo thah inlen, Juan Sarah hinkhuo leh tanchin akipan thuphuhna thah la dingin ka hing deisa zing hi. “*Zan abeikuon ahita, khuo hing vah peiding hita*” ahi aw....! ✦

Courtesy: Muanna Aksi, Vol-47, July Issue, 2017 pan ahi.

NA GINNA KEMBIT IN

A tahatah Tangthu kigen khat aum hi. Mi ni gindan kibanglou Aaum ua, amuagel khu mipite masang a gindan khenkhatte Pasion akipan maw mihing akipan chia kisel (debate) din aum uhi. Kiseldini aguot nitah lite lah pan nitah khat khu preacher tegial lah a khatpan alangpa khu Laisiengthou hinghil thute khu laisiengthou pansan in adihlou chin asel hi. Adihloutan apointte agen lailai in khatpa hing diing touin preacherpa thugenna mun a vadiing touin, alangpa maitang avabehpia sahi. Mipiten lamdangsa tahin a enchiet uhi. Bieng betsa umpa khu tahsa puodan ahileh abengpa sangin alianzaw hi. Abengtupa sangin asangzaw hinapi’n, hunsawtpi tah a en nuoh in, Hamngaina (microphone) tungtawn in aw neem tahin, “*Na ginna Pasion thu a na humbit (defend) theilou leh na khuttum in humbit sawm in*” achi hi. Na ngaituo laiin tam debate tamtan in khawl vai.

Na thuginte bangchin na humbit ei? Na ngaidan maw, shidiing khawp a lupna tunga nalup tan amaw? Na pastor pa thugen in ama? Ahilou leh Pasion thu Laisiengthou in, ngaisut in len na ginna kepbit diing kipan tha in. Ginna detta nei miten thuazawhna, nunnemna/ zainemna anei uah, naleh aginna kembit joulouten lungtha beina, mite muolphousa nuomna leh lungtomna nei uh ahi hi. Tunia na hinkhuozat dan in na GINNA adet leh detlou langsa mama ahi, pilvang in.

- Pro Pastor M. Thangboi Zou

ELWA *column*

NUMEI NIN NEITE DIN DOL UMLOU (*Menstrual Abnormality in Adolescence*)

Tami article khu adieh a numeite khuolna jieh liuliau a ka hing lasawn ahizaw hi. Tami thu toh kisai atheisiemlou khen khatte adin panpitu ahingei ding zong ka lam en mama hi.

Numei kum 12 apat kum 19 kikalte khu hachin sinei hun neilou mi tampi aum hi, adieh in tulai numei naupang te ahun aum nuom dieh hi. Akhen a tampi luongkhia, akhen a hunchet a umlou, akhente ha 2/3 zil in um, akhente a tomnou um zong aum hi. Tami khu sikang, tualeh natna hit dangdang numei hina tea pat hing umjel ahi.

Hachin nineite tamtah aluongdoh leh ahunsung/ asau thu:-

- i) Numei apat sisan hingluong khia jelte khu adia a sstrogen hormone atam chieng piengthei ahi.
- ii) Thyroid natna jieh: thyriod level khu tomnou ahilou leh tampi aum chieng hachin ninei ding ahi ding bangin aum thei sih hi.
- iii) Numei sunga um ovary kichi chibom a natna ahing um a, adieh a PCOS kichi natna jieh a umthei ahi.
- iv) Sisan apan natna te (blood cancer, TIP leh adang dang...)
- v) Numei jummau apan tuinang um. **Gentenan** Fibroid.
- vi) Nauvop chienga sisan luong/ nau usia (abortion).

Tami natnate adiei in numei hachin ninei hunsung abang tomnou hilou akhen hun sottah umte khu hoitah ki-etsah angai hi. Ahilou lehsisan tom (anaemia) umthei ahi. Tami ki-etsahna dinga test atompen a tam anuoi a te bawl ngai ahi.

- i) Routine blood test
- ii) Thyroid test
- iii) Sonography leh adang dang...

Kiven dingdan:

- i) Numei naupangte khu ahun zil a counselling bawl ngai ahi. Tualeh theisah dingte zong avielviel a theisah kia ding
- ii) Psychological support pai ding
- iii) Kidawldam sah ngai (rest)
- iv) Sisan atom leh piabe ngaiding ahi
- v) Iron syrup piathei ahi.

Tam atung a kivenna kipete na bawl lou leh progesterone tablets 21 days sung piathei ahi. Tami nasan a jong nasep theilou leh sstrogen injection piathei ahi.

Atawpnadin tami hachin sinei na khu Dukan a umlou tam numei kum 12 apat 19 kikalte hoitah counseling pia ngai ahi. Tami mihing chi tom leh kikai matna apiching nailou ahijia un ahi. ✨

VONDEI SAULIIM REPORT

Mangpa gam nna iseptheina umsun Vondei Sauliim a tukum a i Vondeite khuolna sum-le-pai, anntang leh vanzat tuomtuom hing kithuopite zienin Mangpa min iphat ua, tualeh amaute tam Tangkou tungtawn in atung ua lungdamthu ahing kiphuong hi. Mailam hun a Mangpa'n genthei taga lienvaite panpi zou zingdin guolzawlina chikim toh hing phungvuo zing ta uhen, chi ideisahna lianpi ipia uhi.

Kum 2017 sunga Vondei phungvuatute:

SI/Nos	MIN	KHUO	SUM
1	Nunkiamchiin		Rs 6000/-
2	Nianghoichiin		Rs 3700/-
3	Chinsuanthang		Rs 1000/-
4	Mangthangsang	Simveng	Rs 2500/-
5	Zamkholian		Rs 5000/-
6	Hatzaniang	London	Rs 36,000/-
7	Mansangniang		Rs 2000/-
8	Niangpi	Zomi Colony	Rs 2000/-
9	Zamkhothang		Rs 200/-
10	Ginchinthang	Bangalore	Rs 3000/-

Ha chin a Vondeite phungvuatute:

SI/Nos	MIN	KHUO	SUM
1	Pastor Kamsuanlal	Simveng	Rs 500/-
2	Pastorpi Lunsuachiin	Simveng	Rs 100/-
3	Upanu Moiniang	Zomi Colony	Rs 500/-
4	Niankhanchin	Hiangzou	Rs 2000/-
5	Niangnuam		Rs 200/-
6	Chinkholam		Rs 200/-
7	P. Khamminlun	Simveng	Rs 100/-

8	Hauthang & Family	Simveng	Rs 500/-
9	Sianneiching		Rs 200/-
10	Moite	Simveng	Rs 300/-
11	Thangdeiching	Simveng	Rs 50
12	Vungkhanching	Simveng	Rs 50

Mimal a Vondei phungvuatute:

Sl/Nos	MIN	KHUO	SUM& AVAN A
1	Pa P. Tunzamang	Simveng	Rs 500/-
2	Well Wisher	Delhi	Bag- 14 pic & Instrument Box-14 pic
3	ELWA	Tuaitengphai	Anntang Bag-2
4	LYF	Lamka Division	DJ T-Shirt 16 pic
5	LYF	Simveng	Jumbo Box-14 pic
6	Paukhomang	Simveng	Anntang Half Bag-1
7	Micheal Ginzasuan	Zomi Colony	Anntang Half Bag-1
8	Paul Mangsuan	Zomi Colony	Rs 100/-

Pasian gam nna sepnadin neu taluo chi umlou ahi, na kiphalna ahi Mangpa'n atulmaw. *“Tuipi tunga na tanghou paiin, nitamlou nuochiengin na mukia ding hi”* (Thenp.11:1)

- Reported By: Nu Ngaineikim, Secretary VDS

PATAAT AUM HI CHI 7 TE:

1. Sum guuh neh ding aumlai tah a ne guloute khu, Pataat ahuoi hi
2. Sietna (khelna) bawl ding aumlaim tah a taisanthei mi khu, Pataat aum hi.
3. Ki haupi ding a umalia tah a ki hau ding utlou mi khu, Pataat aum hi.
4. Nu leh pa umlou kal a silsie anabawllou mi khu, Pataat aum hi.
5. Guuh ding aumlaitah a gulou mi khu, Pataat aum hi.
6. Sum haulai tah a kipah gige sanga sum neilou chienga zong kipahthei zing mi khu, Pataat aum hi.
7. Kideeh zoulou na mun a kideeh zou mi khu, Pataat aum hi.

- By Pa H. Khaikhogin, Zomi Colony

**Manipur Evangelical Lutheran Church
SEPGUOL VAIGUON**

Ahun sung: 1st Sept. - 22nd Sept. 2017

Thupi: *Pasian Gam leh A dihtatna sui masa un. Matt. 6:33*

Thei masah dingte:

1. Sepguol thabituh aum dinga, Pasian guolzawlna i tan dungjui in inn khat in eima kiphah dan a pie chiet ding ahi.
2. Local chinin eima local hattuom lemtan dan chiet a sepguol a lawchin theina dinga man chiet ding ahi.
3. Tam Sepguol Vaiguon a Bible kipete ban ah i thu gen panpitu dingin Bible bung leh tang dang zong lahthei ahi ding hi.
4. Sepguol kituokhawmna ding toh kisai in Division chin a lamkaiten eima Division chiet a vaiguon kibawl chiet ding ahi.
5. 2017 Sepguol Vaiguon khu MELC Year Planner dungjui a 1-22 September 2017 tan hing kibawl ahi.

VAIGUON HONNA TANGPI

Dt. 01-09-2017 / SEPTOPNI:

Local chin in eima Biahinn chiet a ahonna vaiguon kizah ding.

1. Conductor :
2. Sepguol honna :
3. Sepguol kiman dan ding puanna :
4. Pasian thugenna :
5. Thumkhawmna :
6. Tawpna :

Dt. 02, 03 - 09-2017 / KIGINNI, PASIANNI ZAN:

Eima Biahinn chiet a Kum thupi zah ding

KAL KHATNA: Leenggam ichi bang ahiei?

~ Leenggam khu Greek ham in “BASILEIA” akichi a, A khiehna - “Thuneikhum” ahilouleh “Vaihawmkhum” china ahi.

Pasian leenggam (Kingdom of God), Vantung Leenggam (Kingdom of Heaven), Khrist Leenggam (Kingdom of Christ) chi agen dan tuomtuom um nanleh mun khat genna a kibang ahi.

Dt. 04-09-2017: SEPPATNI:

Pasian Leenggam koi phukhiet ahiei? Daniel 2:44; John 14:1-6

Dt. 05-09-2017 / SEPKIANI:

Pasian Leenggam neitu koi ahiei? Daniel 7:13, 14; John 16:15, Phil. 2:9-11

Dt. 06-09-2017 / NILAINI:

Pasian Leenggam hei a hing kipan e ? Nasepte 2:30-36

Dt. 07-09-2017 / NINGANI:

Pasian Leenggam koi in koi kunga apieh e? Mt. 11:27, 28:16-20

Dt. 08-09-2017 / SEPTOPNI:

Pasian Leenggam hei sunga a um e, Isai 66:1,2; Jer. 23:23,24; Nas. 7:49; Joshua 3:11

Dt. 09-10-09-2017 / KIGINNI, PASIAN NITAH:

Biahinn a Kum thupi zah chiet ding ahi.

KAL NINA: Pasian Leenggam bang chibang ahiei?

~ Pasian Leenggam khu chini aum a, tuakhu Tahsa Leenggam leh Hagau Leenggam ahi. Tualeh Jesu Khrist Leenggam (Kingdom of Christ) khu Hagau Leeng ahia, Pasian Leenggam (Kingdom of God) ichi khu leitunga gingtute leh Vangam achi na ahi. (John 18:36; I Kor 3:3,4; 15:50)

Dt. 11-09-2017 / SEPPATNI:

Pasian Leenggam khu tu tahsa a i um sung un Gingtute lungsim ah aum hi. Lk 17:21. Leenggam hing tung pai ding ahita. Mt.3:2

Dt. 12-09-2017 / SEPKIANI:

Pasian Leenggam a um dingin koiin ahing chiel ei? Mt.11:27-30. Leenggam ah koite aum thei diei? Matt. 25:34; Nas. 14:22; 19:8.

Dt. 13-09-2017 / NINGANI:

Pasian Leenggam tangkoupite koite e?

1. **Jesu** : Matt. 4:17, 23; Lk.4:43; Hak. 1:14-15
2. **Nuajuite** : Matt. 10:7; Lk.9:1-2.
3. **Paul** : Nasepte 28:31
4. Gingtute jong mopuohna pieh ihi uhi. Matt. 28:18-20; Mk. 16:15; John 20:21

Dt. 14-09-2017 / NINGANI:

Pasian Leenggam a vaihawm ding Pa Jesu hing pei ding dan -

- 1) A gingtate la dingin huikhuo ah ahing pei ding hi. Matt. 24: 27-31; I Thes. 4:13-18
- 2) Vaihawm thukhen dingin ahing pei ding hi. Matt. 25:31-46; Rom 14:11

Dt. 15-09-2017 / SEPTOPNI:

MELC DAY eima Local lemtan dan chiet a zah ding

Dt. 16-09-2017 / KIGINNI & PASIAN NITAH:

Biahinn a Kum Thupi zah chiet ding.

KAL THUMNA:**Dt. 18-09-2017 / SEPPATNI:**

Pasian leh Khrist Leenggam a tun theina dingin-

- 1) Piantha angai. Jn. 3:3-5
- 2) Ginna neia, kipuan khiet a, Pasian dihtatna koppi a ngai. Rom 10:8-11; Late 32:1-5; Lk.19:7-10
- 3) Athupieh jui ding ahi. Late 15:1-6

Dt. 19-09-2017 / SEPKIANI:

Pasian in a Leenggam a um dingte khu -

- 1) A hagau in achiemte te a. Ephe. 4:30
- 2) A thutahin a susiengthou a. John 17:16-19
- 3) Ginna jalin siem atangsah. Rom 5:1-2

Dt. 20-09-2017 / NILAINI:

Pasian in a Leenggam luo dingte khu -

- 1) Ginna jal in asil bawltheina toh ahing kem. I Pet. 1:3-5

Dt. 21-09-2017 / NINGANI:

Pasian Leenggam a ilut theina dingin na khelna mukhie inlen, kisia in puong inlen Pasian juan in. Lk. 15:15-24.

- 1) Khelna kiphawh in, Tang 18:21
- 2) Pasian kung juan in. Tang 18
- 3) Pasian in hingna kipahpi ding ahi. Tang 22-24.

Dt. 22-09-2017 / SEPTOPNI:

Local sunga group tuomtuom te kituo khawmna a zah ding.

- 1) Sepguol reportna
- 2) Sepguol thabituh leh toikhawmte piekhawmna

Dt. 23-09-2017 / KIGINNI:

Division lamkaite vaiguon bawl dungjui a Division sunga Local hattuumte sepguol kituokhawmna a zah ding.

Dt. 24-09-2017 / PASIANNI SUUN LEH NITAH:

Sepguol Vaiguon a kipawlkhawmna a zah ding.

Dt. 25-09-2017 / SEPPATNI: Division chin Sepguol kikhen ni.

Mangpa'n hattuumte sepguol vaiguon tungtawn a haltha na nei ngei dingin A Hagau in hing umpi chiet taken. ✘